

t 020




東山語錄

十一
相

東山老人偈頌
五
然

竺仙承上

跋有之



雪嶺空初雪外隱居之上

其二

頌古

溪繞山深今太平
仙蹤寄此老松梢
九年度牒分張

盡集唐詩更誰人

紫錦一層地深幽
巖壁蒼蒼石壁空
雲生谷口無人

徑往來多是老僧

青陵水隱忍相親
石上何如青嶺
溪頭轉

高僧隱居空谷中

高僧隱居空谷中
高僧隱居空谷中
高僧隱居空谷中

高僧隱居空谷中

17.2.1

783710

雪峰空和尚外集卷之上

共二

頌古

梁魏山河本太平無端容此老狐精
九年度髓分張盡隻復空棺更誰人

宗師一等把宗綱魯祖垂慈太著忙
璞玉渾金雖空價往來多是不相當

廬陵米價忽相酬巨宋山河四百州
青草渡頭轉幹馬歸楊陰裏戴高牛

藏自北斗道彌昌三脚蝦蟆著錦裙
多少病猫餐死鼠日中掩首眼無光

昭和17.9.1.

763710

雪峰空和尚外集卷之上

共二

頌古

梁魏山河本太平無端容此老狐精
九年皮髓分張盡隻履空棺更証人

宗師一等把宗綱魯祖垂慈太著忙
璞玉渾金雖空價往來多是不相當

廬陵米價忽相酬巨宋山河四百州
青草渡頭韓幹馬綠楊陰裏戴嵩牛

藏身北斗道彌昌三脚蝦蟆著錦襦
多少病猫餐死鼠日中擡首眼無光



杖林山下竹筋鞭六月行人口吐煙曾在祝融峯頂
見十分月出在平田

杖林山下竹筋鞭生長由來古佛先一擊眼睛纔定
動又隨煙雨過秦川

趙州老倒一禪和勘破臺山箇老婆笑倒石門庵內
客一條濟水過新羅

野鴨羽翼能幾長馬師眼孔些子大從他飛去擬何
之須待拽回遭笑怪

不是風兮不是幡胡僧兩耳帶金環分明有語無人
會又上高樓看遠山

不是幡兮不是風毒蛇臥在酒杯中寒山撫掌豐干
笑萬里鴻溝屬沛公

不是風幡不是心曹溪一路盡平沈俊鷹豈肯籬邊
立直透青霄萬萬尋

十智同真驗作家可中毫芴不容差若無師子翻身
句現在徒將面目誇

古人悟處今人眼善巧休爲眼盡眉不見馬頭人厮
撲一拳打倒只臨時

盲人端的有眼鐵牛通身無骨不信問取桃花便見
靈雲敢闕

桃花春暖盡情開一見無疑頗俊哉不是釣魚船上
客無人把手上高臺

西來密意庭前柏有語無語徒分析若是道人但舉
來只麼守株無了日

出哉王老師亦窮身也賣與些油糍歸至今被人怪
六國平來一瞬中心王不動八方通從前汗馬無人
見只要重論蓋代功

泐澶遲上人出示延福頌古三首索鄙語因用
其韻贈之

馬駒踏殺天下人炙地熏天氣轉腥百歲翁翁開口

笑江西從此足人行

引鼻牽回野鴨兒升堂卷席便高飛後來要識吾宗

言試看而今是甚時

千年滯貨無人顧拈起從教著價看一口直饒酬得
過泐潭山更過西山

覽趙州語

趙州借得空生口便自縱橫師子吼問其佛性狗子
無問其甲子蘓州有而今此口還空生古佛依前成
漏逗掀翻海嶽覓知音箇箇看來口中斗

大士講經

府

玉

兩口明明一無舌同死同生爲君決那吒頂上喫蒺藜金剛脚下流出血

石門庵偶作

百鍊黃金鑄鐵牛十分高價與人酬臺前不有花含笑應是東山一夏休

冬至

冬後一陽生東君曾未說百草總不知梅花先漏泄鐘聲出遠林鴈陣橫殘月更擬問如何弄巧翻成拙

巨風行

海山一雨三日風折木舉屋如飛蓬路人驚竄居人

示

泣平地乃是洪濤中有生何處得安穩方寸是爲風火本看來出爾方寸間雨霽風休海天遠

擬月

圓時缺處何曾有缺處圓時自儼然舉世盡隨圓缺走幾人透出未生前

擬山居

古人縛屋山頭住十年不行山下路終朝兩眼掛枯松不憂無米但覓句滿屋風聲合雨聲半壁山雲雜山霧於中只麼過此生猶勝時人三五步

食筍

機泉擣杭炊明璣竹根燒筍然析枝錦綳稚子擣
角玉版阿師囊穎雖同槃苦覺風味好對客不知寒
涕垂古來山林例窮餓藜覓誑腹蔽克饑我今一飽
萬想滅老馬釋羈牛脫廐南山蒼蒼入箕踞涼月同
同生談犀公無說與市朝子啄腐吞腥渠得知

與夢石分歲

歲盡人人有可分翁今分歲亦隨群餅翻溪上團團
月鱸縷簷間細細雲漱壑醴泉春萬斛堆槃珠柳雪
千斤兩翁一飽風顛在僊僕飢僮總未聞

無規矩

赫日光中強作主忽然霹靂聲中死仰觀不見太極
空俯視分明無寸土跨瞎驢追猛虎百戰場中有父
武老來信手斫方圓從教人笑無規矩

春日示衆

青帝一微笑恩光遍剎塵如何百草上剛有未明人
人人當節令合故竟開新東山拄杖子也自黑黢皷
和直指春日示衆

庵前烏龜久不見一夜雷雨忽然出東山老漢眼瞎
癡近前問訊定光佛

春

直指示衆重說作瞿曇捨身得其半東山和出一字
無壁破面門君自看

覽印無在語

老胡遺下一則語而地普天無不舉傾湫倒嶽是家
常物義不傷多恭函塘鰓莫笑夏蝸癡甘草酷似黃
連苦普運苦南泉不打鹽官鼓

松齋直指因喫粽與兄弟論鐵酸賺金剛圈栗
棘蓬語作三偈見寄合爲一偈酬之

直指喫粽被粽賺吐出多年鐵酸賺俊鷹纔見插天
飛餓狗牀根垂啼啖忽然變作蒲與圈鷹也迷蹤狗

釋

也奔百年滯債無人要千里持來訪我門象牙不出
老鼠口富貴或生窮袒手倒把春風二月花滿勸松

齋一杯酒

老鼠口中象牙與春風二月花皆直指語

別劉師美

世故熏人易變初誰能變處即如如相看有道遠難
說且可還家深讀書

十年倦客思深隱江北江南千萬峯今後故人應念
我有書何處覓行蹤

某得銀杏不食種之庵前見者曰是三十年乃
生於老矣能待之乎某不答作曰

蟠桃一實三千年銀杏著子三十載老僧只作旦暮
看汝莫怱怱宜少待階前始步今出屋便是攜籃走
僮僕伴我東園看菜歸與汝煎茶剝柔玉

尤溪補陀巖

巖下溪聲傾法雨巖頭雲樹聳華冠游人不入普門
境只作青山綠水看

通海井

疾風駕海生春潮巖根石井澹不搖是中何曾得通
理而以名字懸巖腰道人眼空君勿怪大小混融無
雜壤呼僮探井濡硯時是君硯中有滄海

靜香軒

種竹竹既立藝蘭蘭亦芳爐熏安用許靜極自生香
十客九常在古人今不忘如何杜陵老獨喜贊公房

聽雨亭

我行台鴈之中途一年兩憩安公廬不知昔人去此
遠但見水石清而虛向來破讀有則語懸水蕭蕭日
夜舉道人似欲暗投明故立此亭名聽雨客如鏡清
老更癡入流截流誰得知願公竹扉且常啓我或發
興來無時

東庵泉銘

什

脩竹盈門寒泉迸石此老何爲居之終日泉知說法
竹亦能禪洞山五位臨濟三玄

四威儀

行忘其麤操得人憎一舉足趯倒佛前燈
住對火浩歌敲火筋有客來爐中出煨芋
坐入夏親錢無一箇催免丁縣裏公人到
臥合眼亂坤都蓋過没人知晨雞剛說破
行兩袖清風一瘦藤人見翫南寺打齋僧
住五合黃陳半瓢醋見客來般般皆要做
坐鼻孔婪巉眼睛大也有人一見橫趨過

臥鼻息雷鳴撼隣座忽翻身鐵蛇橫大道

幽巖頭陀求化

火後幽巖山中有四在句院在要人興鐘在要人鑄
道在要人行佛在要人做頭陀寒拾流四句盡分付
與郭郎作骨董羹四首

物

詩人例窮無可佳借疎貧粟東西家曾中一字不瘥
餒奈此滿筵皆雲霞郭郎之貧亦相似眼高視世如
空花兩翁相值且相煦薄糝藜羹然勝茶

詩人說盡山中佳一原春色秦人家松自宮商竹自
羽空明樓觀溪明霞微言到耳萬世事香氣熏人百

種花同攔立盡聽吾語解眼湯成催客茶
寒士百俎食藉佳敢比八珍五侯家分甘長貧體生
栗誰能一飽面發霞自羹青菰燒蘆腹更雜石耳相
天花願留佳士宿清晝細引鑪香深炷茶
上天既雨晴亦佳黃雲滿壠金滿家政須與子加餐
飯何苦預人三咽霞今年明年吾自老十日五日梅
當花豈無詩力禦強敵已作睡魔關釀茶

四景

沙寒雪後天鳬鴈將儔侶獨怪蓑笠翁維舟一歸去
野闊煙迷樹江清水學天白鷗蓋具眼終日老人邊

急雨近欲黑斜暉遠更明倚樓誰氏子興與大江橫
快霽初無象豁然千里間十年歸客眼一點沃州山
贈吳晦叔雪峯造金剛

執金剛神安法界塑之年深亦復壞居士有力如金
剛一念成就金剛王魔塵不飛佛日光門外人趨選
佛場

送湖州覺化主

佛子汝知世界海有等世界多寶藏於中凡聖情非
情靡不皆依此寶住或取而有爲慳貪或捨而亡爲
孤露有亡取捨紛其懷是皆未知真實所佛子汝宜

入世間開示人人令自悟求心不有法本無今此寶
藏自然至善諸一身寶不增散之萬有寶猶故以此
奉供天人師佛子是名具供養

和無在木蛇歌

小小蛇兒大大身曾吞衆象空巴陵歸蟠故山骨欲
槁混入草木人更微瞎屢生甚手脚不善提持休捉
摸枯木形骸似等閑觸著傷人毒無藥壽昌師憐老
病遠遠遣來相問訊擬欲庵頭伴老夫預憂十月霜
風勁著把火津送渠依舊令教侍坐隅重告之曰蛇
乎蛇乎當如雲門應機忽突出莫學嚴陽到老安其

廬

勸德上人莫作言語

凡物得其時則鳴鳴之大者唯雷霆使雷常鳴不以
節人忘修省孰震驚往時耆年深此旨十度發言无
度已更有寶雲多口師每見僧來面壁耳豈似而今
文字禪駢頭竝駕爭後先願公藏此千鈞重等閑不
射射必中

草堂老師與靖名庵曰頓

縮腳水上橫行掉臂空中直過無端此箇老人特地
與伊注破

送清知客

從生至老只這漢歷歷孤明沒形段雖無形段却諸
說要是紅爐千萬燬如今何處是紅爐兩浙江南試
行看空生老矣渾不知栽松只在寒巖畔

送僧歸淨衆

君不見昔日貴湖拋保福苾芻溪溪畔曾叮囑汝歸東
海我歸山鳥道行人難措足又不見無隱當年隱石
師獨傍巖阿燒栗皮塵埃擾擾未歸客四壁生涯說
向誰我今不向石師住貴湖亦非吾住處溪邊流水
自西東巖畔栗皮任堆聚信腳來到五華峯峯頭重

整舊家風爲報漳泉諸道友吉山元是福山翁

頌庵

萬行不修僧祇不歷千佛數中位居第一

龍女獻珠成佛菩薩彈指入門若到頌庵門下一時
且作兒孫

無心道人梁長道以偈見寄次韻

法從本有何曾有心自元無不用無試問大雄山下
虎何如千里踏人駒

和慧知微雪韻

覆蓋車地似有功洞然明白却無蹤其如未識無蹤

意屑玉雲霏夢眼中

慧知微以布衫送壽昌可師有偈云之戲成四
首

一物全無盡力擔相逢江北又江南向來貼肉那堪
語更著渠儂一布衫

著時人顯衫還隱不著人亡衫却存隱顯存亡是何
物黃金鑄出鐵崑崙

十絲不掛魚池網萬善嚴身月入雲若是壽昌端的
處明年一領更煩君

普賢高轂系衣上袈裟德長拖師子衫還向壽昌爲侍

者一人不言一人甘

送可師歸西山兼簡法華無證

可師有庵名無住

半世幾離合倏然無住身又爲一去客元是再來人
野宿風鳴雪江行梅破春兩翁如問我爲話鬢毛新
雪堂仍舊老師和予送可師新字韻見招復作
五首寄之兼呈無證

夢歷百城路笑翻牀上身惟應箇些子所以見吾人
玉蘊西山重花開南浦春異時冰雪裏仍舊一枝新
不歸波瀾平而彰名句身向來天上寺得此眼中人
一別江湖路三回嶺海春何時清夜坐聽我話龍吟

千戈平定日湖海倦遊身況得君爲社招呼我輩人
初無家似燕宜有喜如春縣想西山下雨餘鐘鼓新
妙湛清虛理芭蕉立井身惟君俱得地獨我不如人
書辱寒溫問茶分安樂春慰懃拜佳賜自汲井花新
木蛇頭帶角古路獨橫身大有傍觀者初無踏著人
病來思自養此去或同春送老須何物聰明貝葉新
送人化脩上

爾祖傳家唯此鉢中雖無物不憂貧持從鬧市門頭
過倒廩傾困自有人

盡謂黃龍山裏龍彌年翻去碧潭空君行爲報居人

道遐邇雖殊一兩同

送化士謝在

洞山身如椰子大不畜粒米與蔬菜無人煙處門打
開接待方來也奇慳吉山從作山中主只用十方香
薩二時鐘鼓不曾廢是汝持來還供汝兩翁同中
具生殺明眼高流誠提掇可中見得無少差是謂能
持吉山鉢

送茶化士

建溪深與吉山隣勝氣潛通不在陳但看吉山茶
裏雪花時現建溪春

五湖雲水訪山家不問親疎盡與茶若省此茶來處
者出門風擺綠楊斜

正味森嚴來處異叢林多甲顯家風趙州一味客心
盡風穴三巡主意濃要使人人開睡眼且煩小小現
神通郝源北苑大雲際盡入吉山茶碗中

送宗上人遊方

華峯壁立爲初友鴈宕深奇爲指南臨濟兒孫上壽
老見今說法在靈巖

送璉兄之雲門

人言學禪如經新誤得同流走天下些中帶些些

案頭眼看來無縫鏤無縫鐫分不爲差萬般鐫中尋
尾靴翻身築著老雲門從古風韻稱音化

送澤化士兼問雲門延福二老

青鞋在握心方壯赤驥追風豈不遙透得雲門鐫關
過海聲撼洛陽橋

吉山河曾百彌盧神裏攜來一物無前路逢人卽拈
出不知誰是赤鬚胡

過了雲門更好看前頭孤峻有姜山三關一箭收功
後南海波斯念八還

送巾扇街坊

華巾未解心中結
西難有理難神
兒鹽官爲物心偏切
上人幸是手眼親
時節一條水淫無痕
八回清風消隱然

送七殿

西天胡子沒髮黃
南北種和苦會染
合眼相逢開眼
笑君山點破洞庭湖

人人盡有光明尺
憑點時不到試
攜我子油餅一一
與伊按過

諸佛光中衆生衆
生光中諸佛若明
生佛一如便見
重重滯入

脩廬下夜沈沈
古殿中香冉冉
要參過去燈明
只在如今一點

黑月夜中無別
行人下足即疑
須得心燈發
現今渠是處光輝

送街坊

道在未能速說
鉢空且要人持
爲地無頭築
石方知此老慈悲

送疎山化主

疎山開山矮師
叔手中木蛇狂
索近江無水
山無柴我昔到時
無不足休論苦
飽喫甜瓜是聖
是凡同

一家但看開山好基業與伊隨分著些些

次韻知微無外石門相會

鐵牛插翅快於鷗石虎擡頭驚倒人笑把方山輕換
轉幾多游子失關津

送照上人

五華嶺畔白雲中送盡行人是此峯若問此峯何面
目但言新錫住經冬

送復上人之雪竇

復也雖少年其志亦猛烈發足指乳峯赤手探虎穴
直須得虎歸不可只麼說送之披秀前歲暮千峯雪

送超侍者

空生衆中居似欠人偈債超禪歸臨安亦來相惱害
布袋連底翻一還無復載閉門卷新經後來且莫怪
去去復何言西湖蓮子大

疎山作饌餅草堂老師出語云色香味觸具四
塵且道饌餅具幾塵是時衆皆無語老師未後
云大刀三十口以頌其後

一處打開五處捏就中下之流徒聲斷後

送化士時在國

一偈普送諸人諸人同乘一偈持遍萬戶千門箇箇

不落第二有則直是當陽無則極難回避有無二彼俱收并山與汝已事

和彭院令元無係寄靈空老二首

家山雖好未安住處寺有僧時訪尋不出三頭生死海打翻端去其吟吟

鼻孔當陽會壁却眼睛在眼費這弄一朝眼在鼻孔上和得靈空雪子吟

送白兄歸豫章

我今懶說偈汝亦莫言別莫歸剛要歸不說又著說土宿騎黃牛旌陽鑄生鐵老胡道未行當明齒先折

三年留客歸一等是饒舌努力恒長途春寒天欲雪送智道者

宛陵道者菩薩子化遍東吳今到此干戈盡裏月行空憂苦海中蓮出水知空會見老衛陽冷火枯鉢同夜雨大有衛陽風雷兒珍重此行俱訪取

送堯德二上人

四山如壁不可去當處如火不可住上人既是要游方可中須得超方為珍重便行萬八千通霄有路恒沙教余改平常試道看道道若道未得此去秦溪有直指老子若能見之必為汝道

與洪兄

無傷淺鑿微我此法門大萬殊紛目前一初俱盡過
天外出頭來衆中文胸坐滿正是伊成未言還一坐
和東禪以李信郎庵裡

大隱何曾弃簪組醉鄉有路入無何百年快活自不
微誰肯尋人到蓬壺

敢將不出心爲高利其如六馬何請有公婆長柄
杓不妨霜月在松蘿

送參頭

淵明非達士乞食拙言詞誰知我輩人佳處正在茲

所化果何物折來復是誰山前小麥熟行去今其時

乞鹽

水中鹽味舌頭眼不爲無形便謂無試向秦溪溪上
問可中大有赤鬚胡

與諸友

龍亡大澤蛻蛇出火炎崑山玉石焚百種交煎今盡
見一時零落古無聞家居海角荔枝樹書對江南鴻
鴈群記得風前二三月客亭長短我隨君

炎字古本作餘字

送空兄

空不識宗宗乃通宗不識空空乃同同風更得通風

句只這空宗是祖翁

衲僧杖子天然別千里萬里一條鐵點著關山即便
回敢保老兄猶未懌

過靈石賦頑庵

道人楊岐五世孫曾埒鋤斧開雲門屬時多艱衆且
去百折千推君獨存住庵了却行脚倩隨緣混入衆
生界和泥合水二頃田接待方來一莖菜我初北歸
先過君彼此老大言無父長年聽法庵外石永日不
藏巖上雲莫嫌家風四立壁應用河沙體堅密客來
有以頑自疑三問道入三不知

學頑未到頑之孫再拜頑庵求入門當時此老有何
說火後莖茅今尚存人貧信是思舊債一飯重尋香
積界堂上未瞻癡絕翁溪頭已見隨流菜惟頑顯頑
分不分以水投水無留文地爐火煖坐自睡金博朝
參寒起雲與君相從君莫逆向來不疎今不密明朝
山住雲自飛後會有無俱不知

亂後入黃龍途中示道伴

羯胡如鬼馬如風雪刃縱橫到處空生死路頭君自
看活人全在死人中

送川覺

鯉魚山赤梢鯉辰錦砂未爲此吸盡九脉泉透出三
峽水上得百尺竿墮在壑裏裏桃花浪急禹門高雷
動不驚爭奈何

送人歸臨漳兼簡湛首座

白雲埋藏立壑裏天風無端忽吹起鴈山聳秀我杖
頭潭水澄清君脚底一南一北恰同途雖曰同途不
相似到家爲我到龍山問訊山中湛老子

別一老還鄉

遠去羌峯最上層齊開八目帶刀行更深誰向傍邊
立樹上安身兩弟兄

送人往臨漳

通身紅爛不堪歸只爲無人識得伊覓得休糧聖方
子刺桐花下笛橫吹

休處言休便好休家山春色滿揚州何須更說通身
句歷歷東風百草頭

與修漏頭陀

上頭一窠家諸訛多少邵公不奈何每見諸方多指
注誰知笑殺此頭陀
是處叢林走一遭敲執打瓦不辭勞忽然踏著通天
窠始覺從前立處高

送十二歲童兒

男兒十二有如此不減當年人姓甘避寇春風更春
雨舉家江北又江南黎羹脫粟依僧飯斷簡殘編近
佛龕我亦從來識英物夜深應與阿戎談

和壽山木魚韻

透出波瀾外橫身任探尋只知打我腹不覺痛他心
香積晨炊熟秋廊夜月深重重報君道千眼是觀音

和直指谷方仲姚

海燕坐間談實相泥人夢裏獲真如空中種黍長年
飽陸地栽蓮永不枯

與香山虛頭陀

庵中有主從君住無主外來俱得路雲煙眯目山礙
膺揅拳欺人溪澗怒看他本色住庵人捏聚大千無
一塵自見泥牛鬪入海不記住來經幾春頭陀頭陀
休趁閑一世初無一炊夢口邊白醖未暇揩誰能更
乞諸方頌持來拋放烈焰中歸種香山芋與松蔦地
鑽頭輕築著林間石虎吼天風

和澹庵見留

時欲遊天
台應第

未暇住爲巖穴主尚堪行作水雲僧賓頭諾詎諸尊
者久在峯頭望我能

東
把住如何却放行明頭暗合暗頭明豐干冷坐寒山
笑二月青田春水生

留度藏主

可行即行今未可得住且住時已寒霜不滿園木又
熟胡家曲子萬年歡

與照上人

照時遠近俱到用時毫髮無遺直得二途不涉方能
照用同時趨倒趙州略約拈起馬師簸箕任待通身
是眼當陽未免膠糲

與建州介瀨溪翁道人

翁翁介瀨溪頭住我亦曾從溪上過一鉢飯香留不
住信根道眼兩無差菩提種子男兼女清淨家風菜
與茶大佛所傳無別法只今猶有老僧伽

送靈石修造

靈石有殿不知年日多風吹太可憐今日諸郎爭著
力要令突兀在人前人前莫作土木見八面渾無刀
斧痕似此殿成安底佛釋迦彌勒是他孫

建州梅仙壇

漢室中微竹生馬先生一尉何卑下天門九重呼不
聞避時乃作居山者揭來山間藥道成雲輅高舉風

馭輕大溪之南古壇在空山落日秋蟬鳴我寓其隣
喜清曠時來送眼風煙上遺丹存亡今不知癡人且
啗壇中泥

送僧上徑山兼簡妙喜老人

大士昨來聞出世阿師今日又登途杖頭倘有閑田
地寄我山頭一紙書

半幅全封一字無莫嫌者也及之乎還將昔日芭蕉
語寫作王公十道符

和支提秀和尚

尊宿老河東叢林之眼目靈明劔倚天秀潤山含玉

憶昨台鴈行再拜初接足森嚴聽法徒天冠千眷屬
不以空也愚斯事力見雋別來化城鐘屢度新豐曲
一字妙無傳四方牢記錡安得從之游寒泉薦秋菊

合三韻酬夢石

老人說法山蒼鐘不以一重去一重後生望道未之
見鏤冰琢雪徒彫蟲門前蟻合忽雷吼蟲臂墮階爭
出手三爻撈波年代深化成老漢黑而醜東山擊節
夢石歌空花之影陽焰波不知真偽爭幾何高燒檜
校春寒多

又

淡壑薄粥歆兩鍾麤疎惡布著兩重大開摩醯頂門
眼莫作師子身中蟲石頭未必能真吼臨濟只是我
松手焚其禪版增其光受其鋤斧斷其醜夢石擊節
東山歌亘天烈焰橫清波小僧拜問如何三十山
藤未是多

胡相士求偈三年予不說今秋復此與之

道人無心空有相以相求之無乃妄更言壽夭吉與
凶空裏覓痕鏡中像胡君得處初不然無相之中以
相言聖凡良賤皆一目但有絲毫俱現前說既無私
聽無忤禍福死生皆夢事我惟以此入世間猶如化

人觀幻士孫陽於馬師曠琴未可與之同日語老僧
大笑客出門秋雲駕雨過前村去去不須談此老三
年一偈真賺我

謝顏庵主拄杖

拄杖一枝蒼龍出水大流激湍來峯齊時

回澤老

昔人住庵水流菜葉識者非之況紙上墨

和靈空見贈

跨海鐵牛真有力依山土豹敢言威春風二月江南
路相別相逢眼似眉

怒雷割地衡陽信皎日行天保壽書從此華山山脚
妙喜有書抵靈空空答云稱
辯宗論故有怒雷皎日語

送泉州積善專使

積善山中僧有膽如天大敢持居士書來覓空上座
跨門不肯休著了方知道歸語晉江人大蟲裹紙帽

送泉州使臣

只這佛國土遍滿十方空毘耶金粟老說法在其中
徹骨慈悲棒當機激箭鋒空生打退鼓不敢現神通

送潮州定凡

臨潼拜起秀峯出氣潮落海門月生雲際定則不二

二則不定鰐魚潭底黑如煙輕輕窺著傷人命

送樞兄之梅州

住庵人老雷堆行腳士心孔開忍寒夏守雪山雪有
口快嚼梅州梅梅州老人我知識入門不用先安排
橫膝黑蛇三尺鐵崖崩石裂當一掣

謝會運使惠詩并石爐二首

公詩妙天下當與天下共我欲私藏之奈此知者衆
乃持海一滴施作無盡供莫生文字見句句是日用
淨名文室中熏爐亦冰雪持供雪山僧蘆花與秋月
客有問法來跨門或未瞥熟念懷中香聽此石友說

和徐侍郎兼呈鄭漁仲

徐卿天上石麒麟天遣來清地下塵一掃明珠三百斛盡情乞與世間人

夢裏分攜二十年君忘名字我忘緣寒驢風帽溪頭見疑是襄陽孟浩然

忽憶曾乘蜚子船煙波萬頃對安眠向來親切渾拋卻卻聽傍人名字傳

慣穿八索九流手參透男婚女嫁禪驀地來尋僧印可趙州當日見南泉

歌辭信口端師子千木隨身鄧隱峯兩箇風巖爭幾

許一天霜月似相容

眼看鴻鴈入冥冥忽起尋山杖屨輕不謂莆陽鄭夫子一書猶解問空生

和會通使

心法兩忘諸說到文章百鍊古風回方敬焉吸盡西江口又出江西一派來

而今派下皆龍象冒著風巖老萬回大士不知何所取真成千里賺人來

我夢玉山架茅竹清溪濺濺路回回丘山便是龐公宅老倒扶筇日日來

幻師拈起一枝草無限春光應手回認得春光與拈
草分明開眼被瞞來

諸佛衆生同說法一惟直截一迂回江南春水天相
似白鳥有盟歸去來

詩壇拜將思工部我已佯狂類萬回賴有江西老尊
宿揭天棒喝待方來

送隆首座

行腳人何踈豁芒草鞋布直裰打開布袋一物無拈
起瘦藤天地闊遇寺入逢飯抹不學些子律儀只是
一生快活見介曲杓牀頭老漢六十三七十八不消

一撮背卻法堂脫皮靴阿刺刺

送支提化士

天寒忽憶六支寺迢遞晚鐘煙際山安得腰纏十萬
貫亦隨君去飯天冠

與法界才庵主

不動蓮茅法界庵庵中無物不同參一條白棒胡牀
角穿卻從前五十三

三腳驢兒腳踏天恒沙諸佛若爲宣閣浮夜半人驚
起把得芒繩下鐵鞭

題圓融庵藏書塢輞川圖

千尺蒼崖貫日虹忽驚懸水坐生風不知摩詰展神力搏得他方置此中

橫澗老蛟松夭矯埋雲古洞石嵌空芒鞋竹杖如堪畫乞與寒巖作主翁

別圓融庵主

青田東望山如藍過嶺獨喜雲腴甘叢林荒寒不久眼耆舊只公多住庵汾陽昭對矮師叔甘露有源梅子熟長年風月但平分一日空來鼎三足屋頭高梧忽秋聲老去彼此雲無情歸山自畜長柄杓珍重庵頭折腳鐺

悼惠知微

崇寧乙酉此時節情與無情同出生紹興甲子時不移情與無情同入滅一生一滅無欠餘未上露此端的別通身手眼不奈何謂是西歸謗吾友乞與諸方拄杖頭黑黑明明三八九

惠知微臨遷寂作圓相中畫隻履寄東山東山開見問僧曰會麼僧云隻履西歸東山此之曰汝埋沒惠書記僧云和尚如何東山將置頭上起身而立僧罔措東山曰苦

送僧之育王

一庵臥病死無異放髮齊眉老更真相送無言茶一
椀江山岸下浙東松

劉世美宅新架詩禮堂萊衣閣來薰臺游息軒
養心齋以五偈贈之

蚤聞彭城子詩禮爲專門只今青雲上粲然見諸昆
我願天下士奉親皆若此家家父母前人人老萊子
客有跋其足莫令主人臺頌爲南來風長滿主人懷
胸下義皇人酒中挑源路客非伶與潛我醉卿且去
心或由多被養之先欲正紛然萬化塗廓尔大圓鏡
庵前蜂去數日復返因作時正割責
寺舍籍丁

向聞割責抽單去今見時難領衆歸歲晚蕭條車位
在汝飢猶可主人飢
蜜巖所統衆如雲客至還開甘露門三扣蜜流人不
薦卻言蜂子解人言
無多鼓吹惱比隣且看梅梢欲放春今輩只如前日
樂老僧何似去年貧

募庵自東山寄龍眠畫寒山拾得圖來令作頌
寒山著衲把帚作舞拾得腰筒拍手而笑豐干
騎虎搔痒時之戲書其後云

二子相逢舞笑時此翁痒發似因之坐間一虎低頭

觀觀著三人總是伊龍眠盡出意个淺空也言之恐
未然更向蒙庵問端的榴花洞口笑掀天

和鈍庵雪頌

試看而今是甚時又殊無地得遊嬉衲僧眼目難瞞
處把定亂坤未許伊

和鈍庵見留

我來臨汝問黃龍君已空中定鳥蹤從此和君不啣
啍至今同飯五華峯

雖是同居元自住若言自住又交參十成有轉移身
句倒跨須彌一二三

作伴才消木上座同流初未許寒山而今卻向天台
去擊動寒巖莫與閑

用靖兄韻送義兒

妙德熏天富空生徹骨窮同將一點雪煨出太虛空
少待鷗鵬化聊資九萬風慙慙問行李一箭過遼東

和訥庵送秀上人之湖湘

君山清絕吾未廬坐想寒水連汀蒲公公因行得掉
臂扁舟獨載如輕鳥凭高与眼界大重磨古鏡開
平湖潛龍無聲霜月冷白鳥出沒叢蘆花煙渺明邊
歲公渡岳陽句裏瀟湘圖作詩模寫但彷彿佳處付

公聊自娛

用詞山堂韻寄澹庵

泥牛石女本同宗一箇惟聰一箇聾問著威音已前
事總言裴楷号精通

休論他家種性邪惠崇蘆鴈趙昌花不知真假爭多
少且盡杯中苦澀茶

謝盧居士法衣

雞足山中藏不得黃梅夜半負將歸而今盧老重拈
出便是山僧肩上衣

長者施法衣山僧肩上衣搭有口今嬾開只憑衣說法

與隱上人

自梅
州歸

一庵老兮藏百拙隱不隱兮吾何說空心曾食梅州
梅赤脚又踏雪山雪歸去來今何似生一朝雲突遶
天醴

與正信庵吳居士

心外有佛不名信自心是佛亦非信信盡心亡佛亦
非那叱手把金剛印

與純堯二上人

東山不會禪只解拈飯碗方來英俊流苦苦攻渠短
袖中出幅紙當面換渠眼不是東山癡且要客心滿

送覺兄之東禪

了了覺覺覺萬里岷峨何處著
全身夢入盡毒鄉
滴水不沾隨飲啄
覺覺覺了了金雞一拍扶桑曉
眼開還是覺城東
急打翻身箇前斗

戊辰夏熱澹庵爲設招涼感而有作

丹山之松有如此獵獵蒼髯自風雨是中便是無煩
天咫尺人間困蒸煮憐我悶軒苦未深解技減翠分
清陰我初則喜久乃媿秀潤未起人之心欲介直爲
臨濟樹一道陰涼天下住我寧獨受焦灼休無以枝
葉爲我憂

送雪竇化士

雪竇性化士得得訪空生
麤茶喫一椀淡話說兩聲
貧無錢註疏嬾作偈送行
只有霜空月相隨到四明
送僧行脚
兩兩三三獨自行
風前太好看水雲僧
神光萬里杖頭
眼出入飛猿似不曾

送岸上座出隊

道人自嫌不安住
四年三走黃塵路
那知擾擾黃塵
中暗去明來皆當處
觀音開市開普門
彌勒魚行臥
六度道人笑我勿多談
出門煙雨遙山渡

送延福車使

全身荷去萬鈞重，千里持來一物無。且喜車關俱透徹，浩歌歸路倒騎驢。

剪剪江風雪應時，雪中春在老梅枝。朝來折作江南信，戲蝶遊蜂總未知。

送鍋頭

白雲生處疎山寺，無水無柴世得知。若問道人今日事，木蛇鑽破鐵鍋兒。

和草堂送通直歲歸龍興

箇是群中穴鼻牛，去無所犯住無留。須彌南畔封疆

閑水草縱橫得自由。

送實兄入閩

病夫不釣龍江月，倒指于今已十秋。君過合沙頻問訊，蘆花深處舊漁舟。

鉢飯元無那免乞，家山既有要須還。莫愁勺水急於箭，入得飛猿總不難。

贈齡首座住庵

三關透罷復何言，一派銀河落九天。摩竭魚吞南海浪，扶桑人種陝西田。

盱水盡頭居士宅，白雲深處法王家。誰知長就無根

樹便有人尋臘月花

南方浩浩正談禪誰問君家博飯田待我寒木都補
了袖茶來訪鑷頭邊

飛猿關外路縱橫雲水多年取次行今日有久親坐
斷徃來公驗要分明

說圓不覺拖泥水立悟分明落二三要得不移豪髮
許寶雲山裏寶雲庵

與海上人

信步南來謂行脚袖手群居頭似杓自視初無一線
長君獨喜之無乃錯偶將布衲翻轉披驚起黃龍跌

折角海兮海兮知不知西山走入滕王閣

送永兄遊浙

此是古韻
錯分三首

峨嵋山脚蓬蒿箭射中虛空成兩片驚起當年陳老
師通身是眼何曾見

湖南穿過來江南無師不道無禪參雲門坐臥了
夏澗水松風共對談

秋來射入吳中去寄語吳人好相遇承言便是過新
羅孤負東山出門句

與南雄明上人

馬祖接得大雄峯一喝當機三日聾近來叢林無此

作多是活埋文字中君不見雲巖新客特石墜腰供七
百一字不能入爲書繼續衣盂是伊得又不見周金
剛滿車載疏遊南方紙燈忽滅眼睛出白袈一揮吾
道昌玄中人甚眼目指金成鑰石作玉聖凡命在采
手中凜凜威風誰敢觸直得如斯未稱采介曹何苦
猶貪書是閒縱得不爲貴天外出頭方丈夫

西平石蛇庵

一段風光出當家真成象骨與玄沙遊人擬踏庵前
石照顧南山鼉鼻蛇

頭枕南山尾北山風雷陡頓落人間五臺拍手峨嵋

笑此外都盧是赤斑

送天衣化士

化入手裏家常鉢細大投之總不遺今我助緣惟一
偈且煩持以供天衣

送化士

時在
吉山

千差路上尋久沒底盂中取足雖非格外風規且是
盤盂目錄

諸方多是雙行疎山純用一箸乞食且要及時佛法
不怕爛却

門外斜風細雨隱聞禪版蒲團不有高人猛利那容

老者安閑

達幻方能應物忘心乃可稱門在昔我嘗用此而今持以贈君

直爲江西老宿便忘世路間關千里一辭闡嶺四年三到疎山

飯在千門萬戶僧離古寺名山上佛已前儀式一時頓覺追還

達士相逢卽出衲僧似有如無上門上石討得堆山積嶽破除

調心不易安心易離世非難應世難要識諸君三昧

力莫辭同隊到人間

人間岐路事何如小大榮枯有萬殊但願家傳無底鉢盡情收拾不論渠

秘在形山元是礙散於人世亦非真還從是礙非真處收取歸來要見人

收得歸來一破顏兩肩荷負幾多般當堂放下元無物打鼓從教普請看

堂中宴坐山含月塵裏分身珠走盤但得此心無住著世間那有路行難

此鉢傳從諸佛太緣今在汝身盡力盡心持去上門

上戸尋人

迫促空生說偈頓送普化上街三日兩日要供十日
五日要齋

送化主時峽

空生曾乞臨江市日與雲居打飯錢老入華峯無用
處君今行乞記當年

吉山真心成抑逼僧至參禪令乞食誤他多少禪家
流入不得處爭著力

明知日空具足器向裏得時無不是及至歸來放下
時笑倒南山老鼈鼻

袖裏深藏大吉山逢人拈出好生觀不嫌貧富僧兼
俗價數高低試著看

昔人遣化曾垂示三步五步一處鼻從緣入得即不
無七佛之儀殊未備今日吉山分化人豈在途中方
瞥地十差一印塵有遺萬善同歸寧自利不自利非
利他家家門啓通霄路處處蓮開火裏花

堆堆危危是什麼生鐵饅頭千萬箇無心枕裏盛將
來有眼禪人俱敲破吉山安眾飯亦無終是不教渠
忍餓煩君昔告信心人一句當陽莫蹉過

空生曾乞臨江市恰似君今無別理只將千聖不會

傳到處逢人水投永持來滿滿復是誰把得便行何
擬擬雖然末後有一關踏著歸來不相似

一偈普送諸禪客萬化門中著慈力門門對現沒遮
攔箭箭離弦俱中的因記芭蕉曾遣化未出門時先
話霸而今更不論親疎收功盡在華峯下

少年入衆先行乞最初一步須牢實多見時流昧此
心施受之間兩無益信心人一粒米重似丘山曾不
止持來豈是得便宜未了分明著他底賢禪賢禪宜
努力諸佛衆生從此出逆行順行忽相當戶戶門門
成大吉

送泐潭化主往泉南

馬駒霜蹄疾如電過處千人萬人見於中有箇見得
親也似不虛行一轉古來佛國號漳泉此去逢人呈
舊面不須更換親與疎是有是無都一串串看看激起
南海波流入西江爲翰漫江西老宿問空生但道而
今成老健

送通功二化士造大際藏經

大經本無文唐梵錯翻譯瞿曇宣一字至今猶未畢
歷世癡聖人出頭競分析要使無光明轉見黑似漆
若入初僧手自是不費力拈出大際山般若波羅蜜

送茶頭并化士

四海建溪茶古今人所重惟有禪家流端的得受用
風吹出送行香嚴用原熟古佛老趙州到與不到共
今者被秀翁又作如是供階也分化權空生與之頌
但得出處真一用一切用

物以甘柔趨所嗜茶獨森嚴正其味老僧得之其夢
圓張喉引喙欲談禪小僧得之心百慮批囊直入茶
山去僧無老少俱喜茶問訊武夷僊子家待我明生
春睡醒借茶郝源作茶鼎

三昧酒喫便醉坐禪時只瞌睡輕輕未可悚動渠送

上茶山渠自會見張三逢李四把得便行果靈利一
枝春信有來由六出飛花不相類到秀峯真得地四
方老衲如雲至跨著三門醉一杯換却眼睛拈却鼻
鐵面老禪今健否家居道舊想安然飯香苦憶伊蒲
饌并別還思甘露泉

真關元湯雲起雪貫餘徑寸玉無瑕春寒不念山中
事歲歲封題記我家

瓦盆雷動千山曉橫嶺香傳兩袖風添得老禪精彩
好江西一吸兔甌中

令我老無崖險句送人行不折楊花前頭有問又須

道黃回禪和喫酸茶

衲僧手眼親把得是日用左乞建溪茶右化連江供
快拈兩條蛇併作一手弄行看臘雪消便是春雷動
披秀三句二偈與龍爲茶佛事法味法樂法財資神
資生之意使於施受之間而無虛得虛弃我亦未證
其中乃就其中出氣截却嬌梵舌根接轉衲僧巴鼻
來者滿與一甌看伊東倒西醉既醉各各起來門外
曉山橫翠用秀峯韻
與龍化主
當陽一印妙無文慚愧東山有子孫是聖是凡齊印
定不妨持鉢扣人門

至辱莫若乞至樂在無求苟得無求旨雖乞吾何羞
道人白雲居心與白雲傳明朝出山去迫夏歸來不
盡大地是吾檀越梅花杏花先後發綠楊陰下問長
安門門有路皆通達祖師禪活鱗鱗長杭米飯抄滿
鉢

佛子平居觀世間皆謂圓融無雜壞使其應入如所
觀與奪交馳還室闕我嘗行乞今示汝要得圓成先
擊碎一毛不立等剎塵八面俱來無向背如探有無
於懷中如問可木於自己無可不非外來是中欲
誰爲慍喜佛子當持此法門入此界中而示現丹山

紅鑪爲汝開歲晚歸來金百鍊時在護國

道人隨處展家風酒肆魚行有路通但得堂中鹽米
辨吉山佛法自興隆

佛與衆生舊有緣入廬一句更爲宜眼前不用生金
戀三東無安若火煎

達人不見塵中隘爲有而今這一解長柄菜籬入手
來倒用橫批風雨快南街打到北街頭東園乞得西
園菜阿呵呵也奇怪他家自有通人愛

送印侍者廣化開田歌

君不見東山老人僧中月法惟直指初無說有衆如

雲來不休有飯如山供不徹印道人善時節不持應
器循門乞只募同心一萬人請將大地爲檀越或寬
平或曲折與我福田衣不別二彼雖無施受心萬斛
千倉從此出若見聞宜猛烈莫守從前怪恠此克
信種落其中遍界靈苗齊秀發

送光侍者充街坊

養子不著順摩拈喝要耳聾棒要殺摩拈得成用不
行棒殺教伊應手活東山妙得養子方所以用時俱
不抹我是謝郎光早歸打就鐵船相觸撥

送願克化永嘉

秦谿在處皆招提我此東山爲最上非謂豐巖麗堂
宇於中坐此真導師如火周空提則契如鼓塗要聞
則死癡禪即劣渠得知但以情疑實相法我觀此會
比丘衆一一從其法化生混而不雜如千光用而無
畏如師子汝宜於此辦可心此心一辦一切癡善哉
遍界塵勞門悉是東山太智海

脩途初發步步要相似後步纔到時豈離最初故
乃翁衆導師況是爲之子欲取步驟同努力無忽此
送廣州化士

禪參閭嶺雪峯寺飯在南方檀越家歲歲僧歸飯滿

鉢普熏何獨是毘耶

雪嶺留香哀南方上善人先佛遺教法佛子今此行
古佛有儀式衲僧不放過一座雪峯山千門萬戶到

次直指老人韻送璠化士兼呈丘中大

寶所龍蛇爭守護自非其人手難措若於箇裏到一
回堪與東山稱化士

上方香飯遠吹風隨我雲堂一鉢空要使人人無食
想却煩小小現神通

南庵居士今摩詰久稔聲光未扣門忽覩曼殊說三
偈坐令身在對談邊

送化主造天目谿橋

擘開太華手生鐵鑄就漢拈起白玉虹跨著谿兩岸
東西南北人步步無間斷直造大歇堂一生事成就
與聚道者造白林橋

白林山中一句子太谿爲舌日夜說路入擾擾如不
聞聚等諸人今始覺

橫身谿上略相酬不在中間微兩頭行人拄臂上頭
過誰信如今有趙州

與珎道者造東山寺前石橋

灌谿谿箭雖云急截流過者脚不濕東山一水人不

驚擬動脚時難下立如何咫尺東山門在眼可望不
可及珎公老手但問渠自有方便今又入

送圓上人歸雲居

康廬諸老歐卓殊寺稱天上衆五湖古來相傳應真
輩多入此窳落空居有爲百癩所戲劇鄰坐惡之忌
割席一朝忽怪單位空遺下瘡痂渺無跡東山若果是
與同時挫折其脛寧容之圓今病痛又相似放過從
教天下疑

送正維那歸華亭

別以剪
子爲惠

無絲線子拽不斷正要并州快剪刀今既有之還不

用山僧贏得笑呵呵只將一笑贈君行無限青山送
又迎到得華亭人不識柳陰終日釣舟橫

與陳兄

雲水四方人同居九十日大光明藏中各冬不相識
月兔曉東生日鳥夜西出善現問瞿曇般若波羅蜜

與明寧二川

東山東遊形吊影閉門作夏山房冷兩士能來共寂
寥久謂同風吾未省總聞一笑巖穴驚牕外數峯清
晝永不知祖道今安危自撥寒灰出燒餅

送妙侍者遊方

秋雨秋風如解事忽送新涼到庭戶道人明日先我
行少立須聽吾語龍蛇共路亡猶今竟佛同源水
非乳滿世誰能辨正邪入門且可分賓主句中有罪
汝驗無棒下無私渠驗汝好手雖然不犯鋒橫身却
在鋒銚裏象主蹴踘驢群空師子頻中狐類死道人
一等是精靈大顯無功合如此愧當十偈非當三喜
見獨行無伴侶相逢休問來何從佛壽之孫佛心子

送僧遊天台二

天台五百雪岩與盡秀峯酸澀更引秀峯禪和盡向
檐頭脫賺初開盡裏茶花次散空中燈燭分明不是

好心到者以何爲驗若是具眼高流一見不勞再動
天台五百篇者受盡秀峯供養更引秀峯禪和曹他
草鞋拄杖初說石梁橫空次誇聖燈明亮示來示去
好心只要遮相欺誑煩公勘破歸來領過不消下狀

和趙超然

鈍根阿而初樂小同一法中人怪其曰雲堆裏強安
身掣電機前爭先照業風吹下到天亭無著力處盡
力爭一朝力盡却自笑放下蛇頭擺手行超然居士
今雁老此日相逢猶草草不知松子下揚州更指梅
花開恰好開恰好慚愧東君解傾倒一枝倒不贈公
行擬行把住道道道

山僧當年活計小冷地不知人怪笑白雲堆裏強安
身石火光中多失照業風吹下到天亭無著力處盡
力爭千歲靈龜退靈殼而今步步火中行超然居士
今雁老一笑相逢重撥草全機透出上頭關平展家
風且安好且安好走過市橋曾撻倒回頭築著老丹
霞出這冤家付不道

喜溫首座至二

我昔識此老謂之定上座是時朋輩中箇箇道與麼
一別二十年相逢皆老大把手兩風顛傍觀盡驚倒

翻思往者言幸介欺得過若是在今日管取遭一壘
兩翁相對好機緣點在人人本今年方外笑譚無忌
諱夢中改路說述遭自施打破秦時鏡總是花開
月蓮或問兩翁年幾許尋常見與首羅天

與掃藥曹道

當陽指出大家看來處分明去處微總是諸人自遮
護先生毫髮不相瞞

與明道者

大悲院裏羅齋出十字街頭覓水程肩上架袋無一
截草鞋落地作金聲

與明州茂上人

十五已前不得去寒木一尋生鐵鑄十五已後不得
住鐵筒鼻孔俱分付正當十五天然別誰管春寒與
秋熱拈起笠子為爛光遍在湖南并兩浙

送川全之雲門

入嶺踏著披秀恰似倒食甘蕉前頭節節不同未可
只麼掉下雪峯玄沙黃檗鼓山東禪西禪是處波騰
嶽立隨方五位三玄一一從頭咬嚼要令首尾完全
雲門盡頭一節苦硬如咬生鐵一咬咬著舌頭洛陽
橋成兩截普賢隱身無地文殊倒退三千有問蕉作

何味附子出在西川

送德上人歸故山

泯泯衆人中不與一人共
閑今居閑房儼若臨千衆
是謂有恒人一心無二用
東山早嘗學身行而口誦
久之如善射縱橫無不中
魔外作姻親蛇虎爲伴仲
離歌無可言出此以爲送

送珍兄之黃檗

老倒空生言無旨的索
餅指泥覓徧與擊後流把得
臂面便擲如其不然分付黃檗

和披秀韻與寂陽明上人

衲僧一口劍莫問何年鑄
既有殺父威亦有活人句
說夢老瞿曇至今未曾悟
爲之乎孫者呆以何爲據
聚頭化城中自謂得安住
拋却金剛王記持死漢語
臘月三十日一字不堪觀
若驚三三劍在便解子與予
忽掛忽爲輪可見不可取
提出長橋坎却是南山虎
與璨上人

參尋惟上士駭迭諒無傷
去住一言下東西拄杖頭
主賓能互換鍼芥更相投
忽登頂門眼西江水倒流
與勇上人

虎丘之虎老且死道人勇者乃其子
以其有子又不

亡揭地風聲猶在耳東山於其父子間爲之道舊爲
鄉里要命全機起乃翁據虎頭而收虎尾

與眉州遠上人

尤握峨眉右五臺新羅與粥七閩齋朝來不省何方
去肯知三門著草鞋

與通上人

行脚莫歸鄉枝節一條鐵庵居不說禪直以身爲舌
莫歸剛要歸不說又著說張翁把研槌鍋中釣出鱉
示僧

推出睦州擔版漢是聖是凡齊贊嘆十方世界絕冤

親不用藏身更吞炭

趙州狗子無佛性咬入更不存性命大悲千手不能

遮跋陀那龍側耳聽

有問西來祖意但與衲僧巴鼻香林坐久成勞東山
睡多損氣

一箇端坐喫不足二箇同槃則有餘缺齒老胡曾未
會洞傳今古在吾徒

普化傳真七錯八錯後人不明隨邪逐惡若是真鎗
黃金不博今人長愛李將軍一箭離弦雙隼落

送廣南僧

神光三拜菩提達磨老安平生一破竈墮東山病漢
有箇什麼信筆寫出不勘自破丹山鷄鳳九苞文海
壇太子似鹽大

送白上人還豐巖

我初不識丹霞師邇來偶識丹霞子却因其子識其
師雲水相懸渺千里空生不往豐巖中丹霞不到西
庵裏如何說箇相識來理契即隣休寐語風前把出
贈行人虛空稽首須彌舞二載永巖一日春懸水落
崖聲似雨

送定勳二上人

定禪快爲師子吼動禪瑩淨王無垢兩禪同居淵不
分一日用之左右手超方獨脫王老師向何壁立今
何慈杓柄短長鍋大小揭而示之無可疑末後更有
一句子未省兩禪著何語東山有句不敢書恐著替
渠出山去

和慈覺炊空韻并送蘭菴

竹屋孤煙未斷炊鷗盟歲晚不應違五湖雲水座中
客一沼芰荷身上衣
蕙弟蘭兄本一山莫如白下望長干人間草木非真
對留與茅翁到老看

招南泉

一飯之微亦報緣蒲團紙帳在吾生道惟簡易人惟
儉遜乃嘉肥進乃遭問訊江頭白石佛願回足下紫
金蓮當年手種庭前柏歲晚青青欲入天

素上人為普賢辦供過溪上需偈予曰與普賢
有靈不可無詞乃作五偈遺之歸山呈似道人
一笑

普賢願海若能續火聚刀山勿厭登更入人間煩惱
海自然彌處妙相應

素公初住峨眉寺遣化人間要話行借問話頭何自

得大都來處要分明

雞寒上樹鴨下水舉者公入長努看衆生不明顛倒

機祖教從來同一軌

保壽當年作街坊街頭撞著自家底而今豈是有遮

藏撩起清風殊未已

千邪堆裏容閑手萬毒業中許盡標不墮功勳東隱

外前頭實語即非遙

垂光墨梅

隔江遙望白雲村橫折梅花臥石痕病眼朦朧失端
的淡煙小雨復言會

石菖蒲

僊裔來何許，羅浮小洞天。老僧忘百念，相對兩悠然。
水潔情惟潔，石堅心更堅。願持青玉節，底足永君年。
書定元宗派圖

虛名驚世刻舟痕，祖初無一法傳流。出胸襟蓋天
地，只今子子與孫孫。

筆頭定有鑪錘地，陶者諸方入正傳。不許南泉誇獨
脫，且教雷劍作兒孫。

觀僧作小字宗派圖

蠅頭細字集為圖，瓜瓞綿綿是線珠。虎踞龍蟠諸老

宿半牕，斜日黑虬盤。

寒泉洗眼看新圖，字線歧分黑龍潭。朱妙似他方博索

葉巧如九曲度蛇蟠。

戲題溫知客水墨圖

一身隨處得輕安，老入蒼崖疊嶂間。真箇溪山看似

夢，却將水墨寫溪山。

書覺侍者哀哀會銘後

白首儒生困路岐，殘杯冷炙飽還饑。一朝得意春風

下，便把驢兒作馬騎。

柱杖銘

黑似漆清而癯龍鱗有鱗契得之不自扶空老
矣乃用渠穿天台挑衡盧面瀛滄吞江湖山水其
然無突然出機則透點須彌爲丘墟指牆壁爲文殊
快薦取勿躊躇是之外乃無餘

跋白鹿寄庵續寒山詩卷後

寒山忍寒哦五字不爲世間瓜與瓠寄庵續之則有
餘法燈擬之不相似拾得日暮趁半歸豐干天明騎
虎去可憐辛苦油澆神年年打供國清寺

與曇上人

我今無別語方便唯一路古今賢聖人皆由此得度

無爲一加鞭只貴闊著步力行不中休理盡卽自悟
不見新豐老母在不歸夫不見老趙州雙歸終不往
兩翁僧中龍千載乃一遇觀其入道初尚欲一味做
況我中下流日用更多事行行宜念諸青春易遲暮
次韻答靖侍者

一句忽截流千差俱失路誰爲三界師出生與滅度
一念忽到家大千無跬步誰爲九類生沈迷及省悟
向來先達人箇箇與麼去只今禪家流一一如是住
求其獨脫者舉世亦空過道人我同參豈不以此做
遺我一百言言言論何事北轡打三更西瞿日未暮

和劉天啓對半丹歌案

優曇花時運現餘芳得暖爭抽誰肯不萌枝上折來
一洗春柔小智勞生刻畫鈍根窮無重修縱是根同
體一皆爲蝶戲蜂游所以南泉一指頓開陸子雙眸
披秀因齋廣讀東山助出茶甌不是雲客安樂絕勝
黃檗中洲更看年年二月扁舟逆上春流

和秀峰

白馬馳經事主跡雲中歸去不曾迷從公大事因緣
畢坐聽河聲流向西

教意拈來作麼看唐言梵語不相干更將祖意論同

別諸取樂與馬寒

才神出六巨軸佳篇復意新詩降雲三三又似
欲置人於苦海中惟恐隨其計而不覺又爾奉

呈

先生詞源真海湧已如鳴鶴聞子天隱珠却把暗投
擲但覺驚鴻接蛟螭圓終須負鼎于明主况其致治如
烹鮮伊尹不與獨耕野先生是以由居廬古人投筆
真不淺爲有妙伎非難捐風流顧惜雖可尚要之無
乃癡爲緣願言自信龜手藥無使小子誤便便

送鵝上人

生兒隨地要著鞭無使長居父母前既繼其衣童其
顛是欲置之於聖賢聖賢道大非小緣要當猛斷無
遷延九萬萬程脚下天一言相契猶未然要中之要
玄中玄二入萬人得一傳東山說罷無出此說碎峯
後湘水邊

送明首座并簡元故人

目山第一座江陰道人明披秀五年住京中稱老成
龍門吹毛子甌峯空故人昨聞開定山問之乃其兄
投機雷雨解操行冰霜清一點皮下血大千塵中經
以公好兄崇增我朋友情新年拄杖頭依舊吳山青

譚問煩引及袁病老空生

甘泉惠石鉞鄭才仲以詩見嘗次韻酬之

老空煎茶器惟石石有何好空乃惜先生嗜好偶然
同我父眼中無此客呼童活火煮山泉旋破小團分
五白不嫌菌蠹賦龍頭便覺彌明猶在席

和才仲五字韻二

豹變惟君子吾方見一斑君宜爲世瑞未用愛僧閑
文出東西漢詩成大小山慙慙五字句乞我薤蘿間
一身走四海未老髮先斑得住從緣住非閑亦似閑
泉鳴堂下石雲起屋頭山不礙往來者無人到此間

漆匠王榮朱法座末頌

大鑑祖師曾指出拄地撐天黑似漆衆生日用多不
知王榮代代承恩力承恩力皎如日擲地金聲更堅
密兩手持來付與人一任高低酬價直

與淨上人開行和尚語錄

捏烏巨山爲筆蘸鄱陽湖作墨空中大書六字薦福
和尚語錄若人一覽無遺山僧與伊齷肉

和無在悼惠書記

惠初不死而言死空本無情似有情手把遺書一揮
淚秦溪三夜雨連明

憶昨同渠離汝水而今先我至天台後生有轉通身
句悔不當初與道來

全死全生大法王能醫生死更無方乾城影裏封疆
關石火光中劫數長

前日有客陳墨梅者僕因誦高臺所作爲絕至
於尋常墨綴處餘人用盡工夫不到不知圓公
何從見聞客疑僕能之昨日袖紙相過苦求揮
灑不覺令人失笑因戲作少謝願意是中亦有
墨梅請呈本際老必爲指出

高臺仁老今已老冷藥疎枝餘薄怒後來塗抹如牛

毛過眼番番，泛於土，不如十月江南行。長條坐落霜
水清，冰魂玉骨淡不俗，宛轉自有騷人情。惟公好事
心尚爾，苦愛霜枝橫短紙，不因作意寬作程。少待今
年冰雪底。

恒覺庵

石人生子便來靈胎，髮未除先老成。不讀五經并十
史，一言纔出萬人驚。
有何等語能驚衆，三問渠儂三不知。是我松齋會心
友，或聞或見更無疑。

鳥道玄關方打脫，刀山劍樹又躋攀。老來別得安身

法，八面朱門夜不關。

南華定兄訪予踈山臨分欲偈作此

一滴曹溪水，千江悉混流。深期能遠到，未可輒中休。
知識隨方有，福林在處稠。杖頭親探過，歸路却相求。

送吳居士

化緣架就習香堂，乞飯又飽留香衆。明年八月便歸
來，三日一齋五日供。普願雪山立雪徒，聖前雖欲萬
鈞重。

送鑑維那兩侍者之徑山

佛日叢林我弟兄，見來應是語玄生。謂如鳥石嶺頭

石送盡行人自不行

弼禪弼禪緊峭草鞋閑著步莫似山僧繩牀角頭立
地時徑山老人我知識橫膝竹簣三尺鐵那吒頂上
喫一掣金剛脚下流出血別別辰錦砂兮未爲赤

送澤監寺出嶺

我自入嶺來稱錫落深井如君英俊流當以我爲敬
摩挲探水杖透脫飛猿嶺送別無所謂霜清溪路永

和劉天常見寄

足疾三年只杜門孤懷如月耿朝昏同風不昧古人
意此道當期老者論露地白牛純到齋雪山香草細

和根蘇州未解吾家事夜對高僧無一言

送悟大師重造金剛

八大金剛當住世護佛法今久住精藍金剛相先
壞欲令正法住爲難悟禪致力扶正法故先成此金
剛王老僧嘉悟善用心說偈替其令速辦

送妙修造

昔人架屋著閑漢同道嘆之不與語秀峯屋下沒閑
人不是超佛即超祖佛祖至大渠更超此屋黃金君
勿憚下山遍訪檀施門必有奇人出左掖

送本書記住保壽

吳山道人真倔強氣吞佛祖無諸方飽參不數古韶
偃操詞不爾今蘇黃獨能以父事圓悟期於至世張
賴綱緣孰果能符素志要與佛祖聯遺芳金來揭起
益高價栗蒲突出重耿先弄蹄驢千驥莫及驕出保
壽公開堂三聖休更推僧出此公素手難近傍嘆

送忍禪遊方

人言祖意不可說未動唇吻先卷舌雖然說著也不
妨道又何曾口邊熱若作說會一重關不作說會萬
重山自家肚皮自家劃莫被傍人開眼瞞忍禪小年
心踊躍買雙草鞋穿兩脚天台南嶽走一遭鐵額銅

頭須撞著

贈寥元師

十日中林足音絕凍雲不飛天欲雪剪剪溪風忽轉
霜天工似與遊人設寒驢風帽溪上來眼明一一僧
聽開地爐夜話月入屋竹徑朝行山放梅公家秦溪
富山水碧老朱夢空翠裏還家開取虎頭巖會見丹
霞訪居士

世途前去利名垢僧榻來重知見香昭曠情懷陶靖
節清明風韻孟襄陽

家住秦溪紫翠間好山終日遶朱闌莫如馬上尋山

者到老不知身在山

和劉天啓并留別

崇觀文章獨老蒼後生猶及見堂堂十年契闊形容
改一日相逢道韻長盡啟軒窗供遠目莫嫌蔬食飯
家常願陪劉遠焚香在蓮社風流有耿光
相從無十日相別又經年爲問南來雁群飛孰使然
和彥正居士見寄并勉定兄及再和夢石

學道窮年無寸勳忘機似可置鷗群謾勞長舌開青
眼送與高巖臥白雲機鈍莫酬摩詰問鼻端終待郢
人斤歸來不寐思君語落窗寒泉深夜聞

從客中道絕功勳野鶴身藏不類群雙眼炯如潭底
月一身閑似嶺頭雲撮來大地如來拉放去龜毛重
九斤三載相依話疇昔我初無說子無聞

貧家只有四立壁分歲那追豪右群方辦五言酬絕
唱又傳秀句入深雲應機救活生譚笑信手方圓斫
斧斤無以險崖多困我須防官府有新聞

與嶽麓麓老

聞蜀限西南中有同風句今至台雁行一笑果相遇
朝飯靈臺泉暮宿中巖寺常恐溪漲時阿師截流去
送印禪歸鄉

秦溪青田十日程自彼到此小行脚念來三見楓葉
丹依然又帶天年錯問渠去矣再來無遊客雖好家
山樂我亦無家可得歸去去善爲山路惡

漁家傲四篇寄夢老

說法瀾翻河漢渺天龍寂聽天魔情憶昔年懷通夕
皎香風杏夢香拂祖元非小壁海取龍金翅鳥從前
手段今誰曉少處添些多減少何遮表義成一切同
時了

一水遠連江漢渺薄羅輕捲西風悄隱隱雲無月初
皎煙波杳虛徐一葉歸來小兩兩三三江上鳥相看

慣也情相曉占得春光應不少無邊表生涯只在鉤
頭了

人問漁家何漂渺自言居處更幽悄午夜月穿蓬牖
皎秋聲杳興來應恐江湖小荏苒流年如過鳥幾殘
又是江天曉擲鉤茫茫吞底小絲綸表離鉤三寸知
誰了

鶴髮翁翁來處渺沙寒水冷魚龍悄但自碧潭孤片
皎風期杳六鼇一舉猶嫌小短艇夷猶波上鳥一聲
款乃湘天曉澤國知音今轉少江湖表白鷗有約翁
歸了

送僧行脚

趙州送人曾有語有佛無佛俱莫往若是金毛師子
兒他家自有通霄路因記雲峯行脚時九上洞山三
投子被風隨至渠不收蓋六蓋地從此始兩翁從此
跡已陳後世事之如事生道人既其後來秀士皇脩
途宜力行勿廢前輩轍印已當與兩翁爭重輕我如
老馬雖伏櫪喜見此行猶更鳴

示澤監寺

雲門山澤監寺對空生出此語書偈及傳衣全非納
僧事等閑透出雲門關赤手要縛南山虎三寸鋒除

能再來凜凜威風驚海宇

書知微偈後

醯雞負須彌瞬息九萬里獼猴對秦鏡一一總沒尾
生平五湖心短笛秋風裏借問魚有無夜涼天在水
寄拂柄與知微微不受兼頌附回後有僧請益
故答之

火中驚馬變黃牛不見全身露兩頭龍樹馬鳴齊卷
舌山僧親爲說來由

送本首座還梅州

病夫獨臥雪山雪抱渴惟思梅嶺梅歲晚犯寒宜好

去新年忍死待歸來

信道姑見佛日

信是有髮比丘尼東山不及渠一著聞說佛日嶺外
還不起公憊便行脚

寄信上人

一餅一鉢且隨緣此事時時強為宣知已不來春日
老孤峯皎月對寒泉

獨宿省堂告友人

秋嶂驚寒却自平匡牀獨臥四無聲
涅槃堂裏通身句永夜孤燈一點明

懷友

一生鳴地竹橋西成趣生涯有采畦
三度春歸憶君別亂紅如雨暗前溪

仙翁初不記年華食罷蟠桃只著花
只在人前人不識藍溪流水兩三家

寄谷堂老

谷堂云我如許久病起諸公瘦入天
放髮齊眉寒又至幾時歸叫老風顛

送光見之百丈兼呈山中禪師以當書矣

不疑汝未徹端的若爲分實剎寒光動
桃花雪裏春

生涯一物無坐對方來客有問不違伊向道長前相
送善兄還洞山兼呈方丈

洞山好佛貴兼尊老歲才方得入門曾得中心者些
子而今著力有兒孫

一書遠寄雲中舊五偈仍觀雪子吟且喜新豐消息
在南方滿眼是叢林

謝龐道惠茶

冰雪心腸獨一龐一枝春信果無雙
冷有味無言日轉聰

本老昔住此庵今出世無過山次日出諸偈頌

乃和之

曾溪長柄向來杓瑞世優曇今日花到我住庵無此
瑞只將溪水煮山茶

僧上蜀絹毛段不受以褐謝之

關西毛段蜀川絹萬里行來恐亦艱
汝老僧布衲得遮寒

送澤上人

出入叢林成歲月養成不樹沒根栽
老為蔭為涼待後來

客茶頭為本無庵道根頭施求偈

道本無根却有根根深枝葉遍乾坤不知根本深
少往見頭陀試問看

與通上人

迷時翻字迷爲悟悟處存心悟是迷迷悟兩忘歸路
盡曉山深夜老猿啼

送僧歸四明

跛齧三年病一書千里心寬家客可避到老也相尋
送臺上人遊方

昔人有言生處樂東山何勸人行脚殊方異域走苦
辛峻嶺重關多險惡東山往昔被賺來故就于今拔

本著問渠端的何處生一言解却通身縛

題石室拜和澹庵

野桃欲岸竹連雲石徑纔紆到洞門花落莫隨流水
去恐人認此是桃源

石門有路建隆初樹老崖荒路欲無我以多生巖下
住到門先記石菰菟

山日輝輝雲細細石渠洑洑淺竹疎疎珍禽引客飛還
住靈草忽香尋却無

百里尋山但宿春欲留未得去還慵東風莫使歸帆
飽放我中流認九峯

要識信廚第一方爲空石廬著意無時年便入叢中
坐五偈先來作定場
住如止水動如雲未注無拘是我門又舉教頭千佛
刹來藏海上小桃源
盤龍斷路我來初鉢掛藤梢物物無只向無中成活
計應明童子兩菸菰
夜雨滴階泉漸瀝青煙遶屋樹扶疏果時有語碧巖
境塞以酬之其道無
黃陳子合不勞春食罷無營一似慵麋鹿往還溪上
路白雲開合向前峯

來年四色更多方憂水憂風憂食糧未必澹庵能快
活隨身干木便逢場

戒庵主示諸老船子圖偈贊因與之結緣

我笑華亭老虛舟漾明月撞著問津人萬劫繫驢極
開口贈兩橈老婆心更切回首與翻身亦未爲剿絕
那堪鑊頭邊勿公有斷絕老我不放伊攜之入閨房
到處出似人幾箇知時節空也心膽麤戒戒勿漏泄
離雲居寓允遷寄無在

癡雲翳目不肖散一雨一風行路迷好山但怕著孤
兔日城孤客其安之朝來喜事遽如許高穴三卷雲風

掃雨徑須呼我木上座去探大雄山下虎

和可上人

夢裏身投九澤鄉共驚日月去堂堂江湖亂後人雖
健鴻雁不來書亦亡訪舊悲涼山起霧移得若譚空自
生先犀牛鼻破犀牛在宜有清風可播場

答宜禪頌見謁

宜禪謁老空先自著便宜分明金彈子博得糞匙兒
把得急拋下堂堂空手歸前路逢人問如何舉似伊
選疎山化士求偈

南來雨宿仍風食蠶溪鬼洞三年還叢林龍象老樹

死處處鐘鼓空雲山獨聞疎山有尊宿不減當年接
師叔欲求法雨洗蠻煙正恐齋廚窘然玉道人忽從
山中來要乞上方香飯回我方癡坐視屋壁半孔要
須香七日

送酒潭化士

太智承當三日聾老夫志氣豈雷同飛鳥渡水忘於
箭喝下教伊不敢東

不道十方遭毒手更持一鉢訪空生空生亦似把不
住放出瞎驢隨隊行

瞎驢無足尾過頭竈踏乾坤勢未休六寂馬駒這莫

及爲山水牯豈同流

送油頭

十分親近見還遲放去令渠自愛機他日歸來如點
著普天無處不光輝

明星時時出現衆生日日成道如何空王殿前多是
點時不到

食葷

朔風吹雪排疎櫺敲冰汲水淘香秬前村老樵餽法
供深壑病夫精勤誠匪黃耳擁秀色不約喜氣鍾
柴荆隆隆沙鏽漚起滅點點釜口風雨爭嚴行禁謁

戒俗客約束從事煩庖丁老饕寓意前具辨宿枵得
路豐頤頰中林雪月皎戶牖一飽對榻雙眸明五侯
之家政自醉我困欲臥聽松聲

送宜川

一氣萬化之所鍾眼處不透花重重達人於中有大
觀得處何止如雞蟲倒个量心作雪乳佛祖望之猶
縮手擡頭三世才曉昏過眼千差孰妍醜孤雲爲伴
鳥助歌沙鷗起舞魚吹波世間憂樂如云何病夫聊
示見其多

送廣州達珠二化士

凡物不達何施爲惟其達者深所宜如去走無不自圓
轉影迹不滯孤光隨良由水達舟舟通道路達則更
書同心境達則機用活事理達則入法空至於達
不疑處鼎鼎苦頭無剩語殺人老賊今放憨喝聲雷
送番禺雨

二龍爭珠不必求頂上之珠何足留摩尼之珠不必
識衣裏之珠何足收廣南自有鎮海珠白月黑月分
形模無末無得珠不露罔罔壁月生珊瑚而今四海
呈珠者後快不在仰山下若謂縱橫不犯波爭奈龍
王按劍何

聲

鼉島盡此橫古路切忌登頭犯渠怒犯時性命俱喪
亡不犯依前無避處更有木蛇隨後來草中毒氣觸
還乖山頭老漢遭一盤至今負痛處如雷痛楚撼動
太康嶺直至海南人猛省面前公案甚分明莫負東
山水上行

象

木毬轉處橫身去按住毬時須款步定場戲罷急翻
身莫來攔我毬門路五州營內人再來無毬可放莫
生猜朝來打鼓普請看未見當年人所牌廣南人自
有佛性試攜此語辨邪正廣南人自會深潭四
面生清風

東山到溫州，僊巖巖地安榜，巖地中故事安初。
讀禪巖經，破句悟道，後接於郎中，以禪澤水巖。
悟道東山拈云：大小郎中，可惜堪向僊巖山中。
遂說得，仍贈僊巖監寺。

一句渾淪忽擊開，銀山鐵壁絕纖埃。至公千尺雲臺，
水大與姚郎雪屈來。

休於言下覓玄微，去却人間是與非。得意不從頭上
過，摩訶衍出祖師機。

港口呼舟載月行，月中回首望巖巖。直憑懸水通消
息，莫作山中背風雨聲。

品居

覽天童示寂偈

太白峯前青海尾，一目秋光滿萬里。漁翁醉入蘆花，
深白鳥不飛天在水。

答普賢夢石紀夢後觀音得法

紹興己巳二月二十七夜夢僧捧一盆水，水中
有二石，因取中一石視之，乃觀音菩薩像也。及
覺猶固握在手，未幾德雲與石老書至，乃以梅
檀觀世音像見授其祥異，符合如此四事。所夢
奉呈夢石夢石遂作紀夢一編，某又於三座前
燒香拜茗稽首說偈，以答二居士付授之重。


補陀大士觀世音位超灌頂佛三子不取正覺不涅槃大慈悲等衆生界以如幻者入我夢三言悉石今我取入手光嚴覺即無有中度我觀音在俄而夢石一信通授我大士栴檀像空無定若懶惰又禮敬供養心常踈云何大士與夢石不付作人惟付我譬如良醫視患衆各隨其病授其藥空今病處正在懶是故二彼用同時慈力欲我如觀音一身普現一切處辯才欲我如夢石一法圓成一切義懶無根蒂當處平道有萌芽隨念長仰觀仁意乃我願敢不再拜而欽承惟願菩薩大慈悲受我少分之供養戒品爲香

萬行花勇猛爲幢堅固座願雲定水功德山慧燈智日清涼月所陳妙樂皆法喜所列珍羞盡禪悅一一遍滿虛空界念念出我清淨心心無所住供亦然是則名爲無盡供普願我等諸佛子見佛盡作如已想而無彼已同異心乃至夢中亦如是惟恒觀世間如夢而能廣作諸佛事雖常觀諸法如幻而能力轉大法輪當知如夢如幻法非眼境界惟智境東山說偈夢石紀見者悉成無上覺

偈頌終

法語

東山以天爲筵大地作細草鞋須彌山作條拄杖子
奉送深禪行脚便請緊峭草鞋拈起筵子橫擔拄杖
直入蟬螟右眼中行一步歷百億佛刹微塵數世界
參百億佛刹微塵數善知識若也歷得遍參得透又
須入左眼中行一步歷千億佛刹微塵數世界參千
億微塵數惡知識若也歷得遍參得透更須知蟬螟
頂門上一隻眼遮一隻眼近之則遠向之則背擬之
則差觀之則瞎且作麼生入若入不得此去衡陽峯
下有佛曰妙喜老人汝若見之高掛筵子踢脫草鞋



拗折拄杖自當得入

玄沙白真覺曰某甲如公大用去和尚作麼生真覺將三箇毬子一時拋玄沙作斫牌勢真覺曰余親在靈山方得如此玄沙曰也即是自家事東山曰玄沙大用前頭赫殺久後頭笑殺久而今到性塔主大用去也忽若三毬拋時又如何祇對但張起燈燒起燭余親在靈山方得如此却拽轉燭照看真覺面皮厚多少東山與麼只是將性塔主家常底拈出未爲大用若要大用現前直須下山一回始得

儂禪自江南入吉山每每訪予等慧閣今歸乃出紙

請法語於予予笑而問之曰法語之作古無有也古既不爲今人爲之汝觀今人何如爲宗師者有尤焉祖黃檗乎爲參徒者有如百丈臨濟乎儂曰不知也予曰法語旣盛行天下宜乎其趣格超宗眼目者倍萬古人今人反不如是盡餅不充飢耳汝通來登等慧閣因甚踞折釋迦老子脊梁骨釋迦老子害痛走入摩竭國掩室去因甚不覺汝旣不覺此法江南妙峯山中有慈覺和尚汝若見之必爲汝說

昔隆慶閑禪師師事黃檗老南經要真載與南相見機緣時南會中皆龍象如雙嶺順初潭英最爲宿衲

每對之橫機無所讓南公在時衲子爭歸之熙寧元
豐間出世示寂殊勝事尤多追公叢林仰之如在乃
福州古由卓氏之子也自今卓氏子孫世多學佛今
巖上人是一其巖依吉山和尚爲弟子吉山乃南四
世孫也道不減於南而巖之望閑亦不到遠要知南
與閑相見時事麼只是吉山家常用底是什麼物若
見未得且趁色力康健行可一遭
東山癡鈍漢常謂兄弟曰世間無難事特人不發心
耳橫流難治莫若洪水大馬疏而東之高廣難動莫
若王屋大形愚公卒移之如蓬萊弱水之不可濟功

行到者如履平地惟佛與祖至難跂及而上根智則
證之於一念敢問忠禪此心此念從何而發若也遲
回且與真覺塔下化油

建祖禪人問東山拈古山曰拈古之法無他只要眼
正有出古人手段若只到古人田地亦動他底不得
先德雖謂之公按欲後人就其節文輕重而斷之使
合其宜然亦不只於此汝不見世間造泥孩兒乎或
捏聚擊碎或擊碎捏聚爲之心肝五臟爲之眼耳鼻
舌衣服鮮明機關動轉見者隨其好醜愛惡而狀之
語言造之者方且袖手仰視而不知其爲泥孩兒矣

若能如是乃可於古人公桉中出一隻手若見他心
肝五臟不得挫聚擊他底不破却不可動著然則東
山此語不獨施之於枯古會麼祖佇思東山曰我與
麼弄泥團也不會乃喝出去

曾侍郎與東山

附

江西句法空白得一向逃禪稅不田深密伽
陀妙天下無人知自派中來

真讚

世尊

悉達纔生便自尊無人剪此葛藤根指天指地虎投
籃說顛說圓羊觸藩室利逼之輕出手龍陽打殺略
知恩東山門戶大無外留取提鞋及灌園

達磨

香至國王之季子般若多羅之克家六宗既正西軌
眼五葉來開東震花根源直截無文字皮髓分張有
等差却怕老僧行正今急攜隻屐返流沙
一出南天竺平幾震旦人九年度盡冷地忽翻身

不思折却當明齒更向空棺遺集覆而今聊下知幾
何不是當年留下底敢問如何是當年留下底

二祖

缺齒老胡不敢說一夜漫天三尺雪神光初只立齊
腰大地到今寒徹骨寒徹骨金剛扶起泥人佛樵歌
漁唱樂昇平靈芝瑞草年年出

觀音

此菩薩從聞思修入三摩地於一身現千手眼明乎
無所不照無所不明東山老漢不免隨泥作佛南無
觀世音菩薩南無大慈悲菩薩

靜處藏身動中跳出全起滅心爲自在力耳聞不知
眼見不識天下人稱圓通第一

此大開士願力和深初無自相隨衆生心或以土木
至於縷線但有少緣悉皆出現終不自言我出於誰
惟令見者默念知歸

龐居士

要識龐家箇老翁東山壁上之圖是手攜長柄竹擔
籬犯寒曉路南昌市市心蟻倒靈照扶則川所願丹
霞叱襄陽耆舊風標在留與禪家作殃害

真覺

一千五百人善知識大坐當軒取意抽眼上安眉猶
不薦面前毯子更相饒。

德山師之師巖頭師之友有是師有是友而負一千
五百人善知識之地而於法道大成也宜矣至若開
雪山則忠懿聞王爲之檀越辦衆事則興聖國師爲
之服勤定其宗則有雲門偃正其派則有玄沙備旨
餘稜展勁乎鵝湖鏡清流皆分光四海若揭日月鳴
呼盛哉瞻之仰之殺久老賊面前毯子并賊捉獲

草堂

此大和尚叢林先覺衲僧性命出其掌握問北指南
愈病勿藥驚起三聖瞎驢趯倒趙州略約惡四海網
流爭名邈

此庵

此據胡牀捉塵拂老和尚惡手段不可近傍曾將千
五百斤鐵枷頰在山僧項上而今筆下見之亦自心
驚膽喪得人一尺還人一大願以此百億佛刹微塵
數不可說劫爲之壽量於其中間荷負楊歧重擔倒
跨三脚驢兒奔走四海之龍象

毬堂

四眾之師萬星之月爲照爲明如行如說承其光則
器器皆圓得其心則塵塵無物及其瞻却初僧眼倒
握塵尾拂則叢林皆謂有老黃龍之體裁備頭陀之
風骨

夢石

王母夢中石佛象骨峯前盤鼻僧藍某布闍山神秀
盡鍾於是提石蛇與筆出其掌握居德雲大千乃其
遊戲使著書輔教則聯珠貫璧不作道原作神靈使
儼臨萬眾則雷轟電激不爲德山爲臨濟大其有意
於斯文則無使袖手雲山友麋鹿而混吾曹於此世

同時出家先我聞道既爲我友又爲我兄浮雲會散
初無定蹤晚喜其歸雪山之東長松片石相對而翁
遠乘六牙香象雨後我眉掃空冰片滿街留不住使
人不能無所慕

谷堂

冰出水玉出石破鏡出窠母遭食宗師得法佛祖避
席正令當行十方辟易耕耨驅其牛饑者食其食龍
驤虎驟鐵眼銅睛到繩牀角頭則不寒而慄有此體
裁具此作略是真臨濟兒孫黃龍頭角東山與麼讚
之何曾一字讚著

予嘗對人言谷堂老子人類精奇細流標格若掩覆
江湖之上予則謂之爲山道人慕諸若任其來梓之
能謂之飛山宗一至於江湖不涉來梓不居予將望
注泊若而失又欲引誰爲等匹

真歌

碎丹霞不傳之四起洞山已墜之宗雷聞一世奔走
四方此大唐國內家至而戶知不假東山發揚獨自
涅槃後大人之相又屬其賢子孫之承當東山只得
炷香再拜慶師有字而洞水流長

栴庵

橫柳標據此座者長蘆夫跳窰之子天衣懷的骨之
孫抽一顧而瞻其正眼用十無而誑彼後昆說法具
雷轟電激乎仰山之上入滅則霜清月落子連水之
涓是謂栴庵和尚而般陽老明提耳之師也

淨信道人

入爭言心宗則無谷不真得幻智法門而有佛皆予
視人間爲切利天宮坐平蕪乃臺山路上東山晚識
此藻蓋因其子止庵道人幽巖和尚

如一悟空二居士

如一亦不如悟空空須得悟誰家一對老鴛鴦萬象

之中獨露

獨露

皮膚脫落盡骨節有如許未卽化泥塵且更相搜挂
一味五味禪千差萬別語問著如紡車而今較些子
較些子汝等現前齊聽取
得此皮肉大家快活沒些皮肉一場冷落舜若開顏
那吒發惡萬里神光猶較些一物長靈渾大錯錯不
錯切忌無繩而自縛
假以四大抽之一機空無作相動轉云爲有作曉了
成佛無疑何待如是然後知非

終南山入定彌猴

方得其樹萬壑千巖至人休復屹若終南呼之乃應
空爾不應惟彼呼者乃出其定

八風

八風無裨當處彰一爲無惱一清涼亂城影裏金剛
眼傀儡砌頭古佛場與世推移元不動隨人爲善竟
無妨可中若有纖豪許物我相持意未忘

瑞應禪寺住持 契聞書之

江南江北三千里

山

書

聖使府制

某伏蒙判府安撫龍慶侍郎留神三遺誤採履聲遂
引名蓋付之郵襪願幸之深出於望外念其雲水一
身脫落萬事早歷江湖晚歸來梓連年疾病餘意僅
存分甘老於山林跡不入於州府而又賦性迂疎無
所堪奈若使應世任持則不置會於龍慶歌公極雖
日飽其芻粟而念念不脫云幾使知在諒無能為
適足上累深仁下渝素中伏乞惻然憐其無能之
長祇豐草以遂其生則某之幸大耳所有疏帖不耳

承兌伏望 慈恩賜察

答妙喜

某稽首上狀。雲門妙喜老面几下。今月十四日俱侍者入山。出十月十五日所賜書。及老慈護如侍座。偶親奉誨旨。竊喜交懷。言不能論。敬承冬寒。此日尊候。動止萬福。圓悟禪師遷化。法門空寂。四方禪流同增悲愴。況某愚癡。參侍此情。倍萬他人。但江山更阻。不時申慰。疏負愧無量。伏乞垂察。開山海隅。自玄泓雪峯。數老之後。寥落無人。今得妙喜說法。其間與山增重。九日福流。望風加敬。其孫既所三滯。留恨未即歸。

座下朝夕。但有瞻仰。常記在廬。冬雲晦時。雲家妙喜。指令謁草堂和尚。是時為兵寇隔絕。別後當以在念。故去春自曹溪指疎山。到時。汝遭時。永歎遂羸。種入山。日夕落中。雖焦牙敗種。不能發生。敢不勉強圖報。知遇之。第一。又蒙問及見祖師後消息。某到時恰值曹溪水漲。不會入得南華門。亦不曾見祖師。只是來疎山。朱脚跡著木蛇子。親遭一口云死無幾。今急痛定。悔不可及。非素裕愛懷。不敢輒露醜惡。乞勿語人。幸甚。草堂老人者。年八十一。視聽飲食如舊。閑后門戶無限來者。應之。某兵火間。深入瘴癘。抱病歸來。

力衰微，非復往時。但思於山深處，靜養教理，廢園吟
此餘生，非晚定為是計。歸時當取道過庵，再拜求教
而行。歲且盡，氣極寒，尚遠，參侍伏乞上為大法陪保
崇重不備。

與雲門求侍者

某頓首。上記無已。賢友隆冬苦寒，伏乞庵居逸豫。道
福兩勝，作別忽忽六年。中間避地居無定所，各不相
聞。去春來臨汝，訪諸相識，聞或言歸九華，結庵近方
知。在溫陵俱侍者來，雖不得書，俱能道大槩，亦足喜
慰。江西叢席殘破，後至今未有振起之者。法門衰落

如此，為之奈何。三五年諸老初率多入閩海隅，區邦
為之一感。雲門雖庵居道聲，獨出閩中，奇秀飽參
兄弟多，歸席下名公大儒咸預，徒列使江湖間識與
未識者無不景慕。况不肖兩親函丈素荷提持，此心
又可知。某昔在甌峯雲門時，且不識妙喜，嘗私謂只
是辯口利舌一味。孟八郎奪人蓋人，換人初無實處
及避地南方，太病幾死，定省起來始疑著妙喜及參
侍草堂方知妙喜。今既放過此段大事，盡屬公等耳。
不見許時計，今所得去又益遠。有兩則語，當切自疑。
如巖頭德山密啓其意，只得三年。謂果有意則後亦

參學人合知之未識當時所落者何意謂果無意得
得昨日與今日不同三會果化去為或預知為復偶
此亦明者一又雲巖遠化道吾得遺書示眾云雲
巖不知有我悔不向伊道且雲巖藥山正續謂其不
知可乎謂其知道吾抑之又可乎其必有深旨此未
明者二吾友蘊旦識奇姿種草不凡又從妙喜遊最
久於此次無疑滯倘不見棄因書幸疏未實所願望
素病非晚八間當圖款集為法門珍悉臨言但增仰
之懷不宣

答普賢

未公自弄弄上雲普賢藥石老師元十日中午拜教
賜語謹以觀時善應為謝仰荷慈悲至感三惠仍審
即日香寒金體動止百順某不盡誠護致有今日之
命方茲戰懼如燕跳千仞坑若跳得過翻身開眼展
眸一笑便是無事人跳過跳不過皆夢事初無損益
其如跳得過為快何以空住雪峯只是欲後第五作
宰相呵呵元師元師笑臨崖癡人不是好心心直頭老
子早把得這庵來助坐殊不知空是箇鐵漢第恐此
光無鐵峯頭三更望以此語為枕多空師兄伴院不
是空重設今吾爾千五百寺為一雪峯於此何如千

萬見其空寂修布其疎後五日跳得過當有捷報不
宣

其頌首無拜要石老師兄春氣鼎暖此日不審庵居
道候如何正月末後書并法華二義庵頭無事時時
得以究味是真光明廣大之賜後有人以七寶滿
間送供奉施東山曾不若二義一箇之字嘗謂此義
非空石不能照然非空石亦不能答皆出自自己眼目
發明先佛不傳之妙更不接引助成其義如所謂世
間出世間一切法義各各解脫各各平等初無差別
同異凡聖有無謂之差別同異凡聖有無者衆生識

情為之分別也此發端便見手段不同至雖二萬佛
均一名字何得謂之同同且不可得況於異乎當廓
之智眼則法我昭然而無隱有首至尾無一字一句
非就諸佛降靈之本智使羅什生筆輩弄出頭來亦
當拱手況其下者乎山中兄弟輩得之傳以為勝事
夢石雖端居一庵利及叢林者多正月二十九日
堅上座自衡陽歸來得妙喜老書此老名雖未脫罪
籍其身甚不樂這愈此後之伊山開福花藥三院與
之常參徒無事即騎馬入三處坐方丈與之个室普
說來者皆湖海英爽有志之士是臨濟一宗未至委

地矣來書頗怪東山不肖以安樂法普施未安樂者
勸無作未後斷佛種性人殊不知東山於安樂法未
曾夢見只是喫飯局來無明煩惱底老比丘兄弟輩
到庵不遭打去卽喝出何曾有少安樂到伊此妙喜
不知東山故有此說話夢石知之可以發一笑也去
年臘下因廣化直指寄拈古來近日湛庵又見寄不
免也趁讀拈提得數十則以酬之上元日淨書狀出
嶺嘗錄呈妙喜老子今讀后更爲看過無端遠遠
來納敗關似東山這敗關非二老面前不納三月又
半未拜見問仰真慧時善加調重

與劉澤之

十二月初三日某啓上道友劉澤之諸公足下冬寒
比日體道端居諸况何如某昨遊上州首見公於大
中結舍及寓圓融而公率諸同道時復見訪空寂鈍
一老僧無他長不知公等何所取而懃若此得非澤
之諸公曩於吾佛法中植大信根乎作長者居士優
婆塞等身於末法中與諸比丘立傳佛心宗者相爲表
裏使正法永藏承不絕而然不爾又何爲孜孜汲
汲追遠五輩於關曠寂寞之濱如其懃耶幸甚幸
甚今時入佛法中著道服稱道友者率多問卷不接之

人因地不真所習惟近脫或從人又管今時說葛藤
博飯喫底流俗阿師則以己解誤他道流一執為是
寧不可破到處東馳騁只知爭鋒唇吻輕忽上流品
藻當代或則硬地打坐認無相無形湛然不動彌滿
六上座以為本體不然則一切掃余存不立佛莊嚴
言指為剩法不然只據目前光明極顯拈得便用見
得便說或守今時為日用那邊為空劫空而常用用
而空空為宗旨似此異解不可具陳聚為徒信惡相
傳授佛之微蓋由也昨見澤之諸公皆有從上
長者居士之風而無今時短氣掠虛之習所以期諸

公於大空中有大開悟發明三見具大智慧資大
量積德本作大利益無得一法而生滿足無守一
善而自矜我勤求正法曾無休息意如善財童子深
達無相說法要當如聖師老人心佛無異要見即
見當如解脫長老財施法施隨意出生當如明尊居
士二十二應十四無畏當如彌勒菩薩得菩提記次
補佛處當如彌勒廿尊從上來事只在而今一念相
應現前受用時寒未幾書之一書善同問訊

答靈空老和尚書

夏初退書寄釋氏辨政韓說一冊及後來味重空可

謂今之仲靈也其常怪天下之士不體乎大公至正之道各安其私合爲吾徒離爲彼衆彼說而此不信此說而彼不然紛紛紜紜務爲多言以相排斥惟得其正者能平其心而無彼此之異若靈空无可謂得正矣既得之似不當與之辯人曰平正方吾佛在時大力之魔不可以萬數計皆欲瓦碎吾道而後已及佛滅後法行二千載而不移豪髮此其故何也是吾佛之道卒不以勢力排而語言沮也如唐之韓愈氏本朝之歐陽子皆著書力詆以其爲害過於楊墨若二子之文章光耀一世宜當時之人皆從其說而

惟當時萬乘之主視之爲何如同朝元臣國老識真之士以之爲何如而天下之人能盡變其心以從之乎無也雖然二子有區區之心推尊堯舜禹湯文武周公孔子殊不知堯舜禹湯之心佛心也不得其心而尊之如人終日譽天之高日月之明天無所不巳日以勞不若體天之高懸日月于胸中者雖無言人信之矣嗟乎二子非獨不知佛是亦不知堯舜禹湯文武周公也况吾佛之道廣矣大矣無所不遍矣梵釋諸天修羅龍鬼他方國土恒沙佛刹百億須彌山百億四天下至於香水海華藏世界重重無盡無盡

重重情與非情莫不頂戴而奉行豈一人不知一國
不奉便謂無佛可乎欲使其無是病狂人惡太虛空
闔戶急排不知空在其室矣假使滿世文章勢力皆
為歐韓其如佛法何靈空可高枕無以二子芥蒂但
於楊歧一味栗棘蓬飽滿方來是望於靈空也

答余才茂

向得傳顧荷愛之厚別後又承枉書益自感愧某本
巖穴間人與世漠然才茂似知之今雖作長老居方
丈只是前日空上座常住有無一付主事出入文籍
並不經眼不畜衣鉢不用常住不赴外請不求外援

任緣而住初不作明日計才茂既以道義見稱故當
相忘於道今書中就覓數脚不知此脚出於常住耶
空上耶若出於空空亦何有若出常住是私用常
住一涉私則為盜豈有善知識而盜用常住乎公既
入帝鄉求好事不宜於寺院營此等事公聞人見
於知皆聞之長老一住著院則常任盡盜為己有或
用結好貴人或用資給俗家或用接陪已知殊不念
其為十方常住招提僧物也今之戴角披毛償所負
者多此等人先佛明言不懼哉比年以來寺舍殘
廢僧徒寥落皆此等俗願公勿置於此等我輩中公

五然頃在雙徑日有袖子社
東山考人送行偈頌相示遂獲敬觀
如立其傍聽法藥止異慨嘆久之
林不復見此老人矣求書其後五然
是時赴岩詢請迫於行色因知其
額有言願君此偈勿流傳為渠除却
好閑名字今覽全編亦如是言禪者
觀之宜著精彩始知自養老子善用
其心可養病僧錯下注脚溥熙戊戌
歲臘月旦日岩下養居比丘五然謹

大雲才子雪案惠
然可也竟宗派

言

東山和尚自於疎山踏著木蛇遭其一
口既乃去死無幾痛定之後便解拈頭
作尾拈尾作頭正所謂雖是死蛇解弄
也活由是叢林之士鮮有不受其毒氣
自為迷惘欲窺其斑者數百年後添於
扶桑有契充書記那滋其毒於一切以
殘涎剩沫化緣以毀於梓其事未畢而
輒南詢而後元圭首座曰奈何有其頭
而無其尾使人胡為而拈弄也耶於是
為其續之乃使梵僊為添此足耳丁亥

那作欲

七月書于建長方丈

